

Segunda carta de San Pablo a Timoteo

Timoteore Pablo ī papera cōare gaye

1 ¹⁻²Ñati yu baba Timoteo m̄. “Quenajaro”, ya yu m̄re. Yu ña Pablo. Adi papera m̄re cōa yu. Jesucristo ī cūrū ña yu. Jane mejeju ado bajiro yicāyiju Dios: “No yu Mac̄re tuorūnurāreti ña catitīnaroca yigu yiguja yu”, yicāyiju Dios. Iti oca yu riaso ucutoni yare cūñi Dios, ī āmoro bajiroti. T̄ōya Timoteo m̄. M̄re b̄to t̄o maicōri yu mac̄re bajiro m̄re t̄ōia yu. Mani Jac̄ Diore m̄re yiari seni īsisotia yu. “Ī queno ñaroca yiya. Īre ti maiña ito yicōri ñe oca manoti ī ñaroca yiya”, yi Diore seni īsisotia yu m̄re yiari. Ito bajiroti mani Īju Jesucristore c̄ni seni īsisotia yu m̄re yiari.

Masare Cristo oca goti batoya, Pablo ī yire gaye

³Yu ñic̄sabatia Diore ña r̄c̄ub̄oado bajiroti r̄c̄ub̄oa yu c̄ni. “Yu ñeñaro yirisere coe jeoñi Dios”, yi t̄ōiācōri ī tiro riojo queno Īre moa Īsia yu. Īm̄ua ñami c̄ni m̄re yiari Diore seni īsisotia yu. M̄re t̄ōia b̄jacōri, “Queno ya Dios m̄”, yisotia yu Īre. ⁴Yu wacati r̄m̄ m̄ oticati masia yu. M̄c̄ana m̄re b̄to ti āmoa yu queno wan̄ quenaroc̄. ⁵“Cristore queno tuorūnuḡ ñami Timoteo”, yi t̄ōia yu m̄re. M̄ ñico Loida, m̄ jaco Eunice c̄ni m̄ riojuaja ito bajiro Cristore tuorūnyijarā ña. “M̄ c̄ni ito bajiroti Cristore tuorūnuḡ ñaḡja m̄”, yi t̄ōia yu m̄re.

⁶Ito bajiri yu āmo m̄re moa jeocati r̄m̄ m̄c̄ana m̄ t̄di t̄ōiare āmoa yu. Ito bajiro yu yicati r̄m̄ Diore m̄ moa Īsi masiroca yiñi ī. Itire āc̄objabesa. Wan̄cōri queno b̄sa Īre m̄ moa Īsire āmoa yu. ⁷Mani ya ūsiju mani t̄ōia giñ ñatoni meje yiñi Dios. Ado bajiroju yiñi. Mani t̄ōia oca s̄oroca yiñi ī. Esp̄iritu Santo manire queo s̄cōri queno mani Īre moa Īsiroca yiñi. Ḡjerāre mani ti mairoca yiñi. Ito yicōri ñeñarise mani ñemec̄ti masiroca yiñi Dios. ⁸Mani Īju Jesucristore busi ejabuagu, “Masare masoḡ ñami ī. Īre riti tuorūnuu yu”, yibojobesa. Masare Jesucristo oca yu riasore waja ado tubia ecor̄ ña yu. Ito bajiro yu bajibojarocati, “Pablo ñami yu baba”, yibojobesa. “Pablo ī t̄ōia

bujatobitiro bajiro bujagu yiguja yu cuni”, yi tuoia guibesesa. Jesucristo oca quenarise mu masare riasobojarocati co rumu mu tuoia bujatobitiroca yira yiraji gajerã. Ito bajiro ina yibojarocati mu nemecuti masitoni mre ejabuagu yiguji Dios. ⁹Manire masoñi Dios. I ñarã queno yira mani ñatoni manire beseni i. Mani queno yirise ticori meje manire masoñi Dios. Ñeñaro yira mani ñabojarocati manire masoñi i. Manire ti maicori i amoru bajiroti manire masoñi Dios. Adi macãrucuro i rujeoroto riojua manire masi yucori manire ti maiyiju Dios. “Yu Macu Jesucristo i godarotina suoriti ñare masogu yiguja yu”, yi tuoia yucayiju Dios. ¹⁰Adi sitaju wadicori mani Uju Jesucristo i manire goda isirena suoriti, “Manire ti maiami Dios”, yi tuoia masia mani, adi rumuri ija. Godabojaguti tãdi Jesucristo catijare, ija mani godarotire guibeas mani. “Cristo oca quenarise mani tuorunuja mani catitñaroca yigu yiguji”, mani yi masiroca yami i.

¹¹Iti oca yu masare goti retobutoni yare cuni Dios. Judio masare meje Cristo oca yu riaso ucutoni yare cuni i. ¹²Iti oca yu riasore waja ado tuoia bujatobiti ña yu. Yu tuorunugure ire queno masia yu. Ito bajiri ado tubia ecobojaguti bojori bujabea yu. Yure tirunugu yiguji i. Ito yicori, “Masa ñeñaro yirise waja i seniri rumu yare masogu yiguji”, yi masia yu.

¹³Oca ñasarise mreare riasocu yu. Iti oca yu mreare riasocati riaso jidicãbesa masare. Jesucristore tuorunujidicãbesa. Jesucristo ñarã ñacori ire tuo mairuja manire. Ito bajiroti gajerã ire tuorunurãre cuni mani maija quena. ¹⁴I oca masare mu riasotoni mre cuni Dios. Mani ya usiju quedu sãjaru Espiritu Santo i ejabuarisena masare riasoya.

¹⁵“Asia sita gãna Pablore jidicãni ina”, yi masiguja mu. Ina wato ñama yure jidicãrã Figelo ito yicori Hermógenes. ¹⁶Yure ina jidicãbojarocati Onesiforo wame cutiguama yure ejabuagu. Ito yicori yu oca seoroca yiqui i. Tubiara wi yu ñabojarocati “Ire ti amobea yu”, yibitiqui yure. Ito bajiri ire mani Uju Dios queno i yire amoa yu. I ñarãre cuni ito bajiroti Dios i yire amoa yu. ¹⁷Ado Roma wame cutiri cuto ejaicori yure bujarocu ama jidicãbis i. ¹⁸“Ado Efesoju Pablo i ñaroca queno ejabuagu Onesiforo”, yi masiguja mu. Yure i queno yire waja ire queno yijaro mani Uju. Masa ina ñeñaro yirise waja i seniri rumu ire ti majaro Dios.

Ñemecutiya Timoteo mu, Pablo i yire gaye

2 ¹Tuoia yu macu Timoteo mu. Manire ti maicori i ñarã mani ñaroca yini Jesucristo. Ito bajiri itire tuoiaicori oca seonia mu. ²Jãjarã masare oca yu riasoroca tuogocacu ñacu mu. Ito bajiri yu mreare riasogocati Jesure masirãre riasoya, gajerãre ina riaso masitoni. Ito bajiro mu yija gajerãre Cristo oca ñasarise riasorã yiraji ina cuni.

³Jesucristore queno tuorunugu ña mu. Ito bajiri tuoia bujatobitibojaguti surara masu bajiro nemecutiya mu. ⁴Ina uju rotirise riti tuorunurãji surara. Gajerã ina yisotiriseama tuorunumenaji ina. Ina uju rotirise riti cudi amorãji ina. ⁵Ito bajiroti no ajere gaye retocũ amogu, ajere ujarã ina rotiro bajiro i cudija quena. Itire i cudibeja i ajere waja bujabiquji i. ⁶Ito bajiroti no

weseca moagũ ĩ moare waja cajero iti wese rica bujagu yiguĩji ĩ. Gãjerã riojua bujasuogu yiguĩji ĩ. Ito bajiroti bajija quena. ⁷Iti oca mure yu gotirise queno tuoĩaña. Itire mu queno tuoĩaja mu tuoĩa masiroca yigu yiguĩji mani Uju.

⁸Jesucristo ĩ ñare gaye tuoiate mu. Uju ñayoru David wame cutigu janerãbatia janami ñayiju ĩ. ĩre ĩna sãbojarocati ĩ tãdi catiroca yiyiju Dios. Iti ña oca quenarise. Ito yicõri iti ña masare yu oca goti rëtobure. ⁹Iti oca masare yu riasore waja ado tubiara wiju tuoĩa bujatobiti ña yu. Ñeñaro yigure bajiro come mana yure siacã ĩna. Come mana yure ĩna siabojarcoti Dios ocareama camota masimenaji ĩna. ¹⁰Ito bajiri ado robojua bajia. Dise ruyabeto yu tuoĩa bujatobitiroca ĩna yibojarcoti ñemecutigu yiguja yu. Dios ĩ beseana Jesucristore ĩna tuorũnure ãmoa yu. ĩre ĩna tuorũnũja ĩnare masogũ yiguĩji. Ito bajiri ĩ rãca ũmacũju catitĩnarã yirãji ĩna. Itire tuoĩacõri yu tuoĩa bujatobitiroca masa ĩna yibojarcoti itire ñemecutigu yiguja yu.

¹¹Oca riojo ñasarise ado bajiro gotia:

Cristore tuorũnurã ñari mani godaja ĩ rãca catitĩnarã yirãji mani.

¹²Tuoĩa bujatobitibojarãti mani ñemecutija, co rumu ĩ rãca rotirã yirãji mani cuni. “Masibea yu Jesure”, mani yija co rumu, “Masibea yu mure”, yigu yiguĩji ĩ cuni manire.

¹³“Ado bajiro yiana mani”, mani yiro robo yi jeobitibojarcoti ijuama, “Ado robo yicuja yu”, ĩ yiado bajiroti yi jeogu yiguĩji. Riojo gotisotigu ñari ruore oca goti masibeami ĩ.

Queno Diore moa ĩsiña, Pablo ĩ yire gaye

¹⁴Mure yu gotirise ito gãna mucana tãdi ĩna tuoĩaroca yiya. Ado bajiro ĩnare mu gotire ãmoa yu: “Biyaro mua oca josarise jidicãtoni yure cũni Dios. Ito bajiri ñasabitire mua tuoĩa jidicãja quena. Ñasabiti mua tuoĩa busija, ñe waja ma iti. Ito bajiro mua busija tuocõri, tuo wisarã yirãji muare tuo coderã cuni”, yiya ito gãnare. ¹⁵Dios ĩ mure ti wanutoni yiro robo queno ĩre moa ĩsiña Timoteo mu. Ito bajiro mu yija ticõri, queno mure wanugũ yiguĩji Dios. ĩ ocare queno riasotiya, masare queno mu goti rëtobu masitoni. “Diore queno moa ĩsia yu”, mu yi masija ĩ tiro riojo bojobicu yiguja mu. ¹⁶Adi sita gaye riti tuoĩacõri ruore oca riasorã rãca tuoĩa busibesa. Ito bajiro masare riasocõri buto busa ĩna ñeñaro yi waroca yirã yirãji ĩna. ¹⁷Ruore oca riasorã ĩna ruorise cami jogare robo bajiro bajia. ĩna ruorise cami joga waro bajiro baji waju iti. Gãjerãre ĩna tuoĩa wisaroca ya iti. Jũarã ruore oca riasorã ado bajiro wame cutirã ñama, Himeneo, ito yicõri Fileto. ¹⁸Oca riojo ñasarisejua jidicãcõri ruore ocajua riasoama ĩna. “Godarãre mucana tãdi catiroca Dios ĩ yiri rumu rëtaoaju”, yi riasoama ĩna. Ito bajiro ĩna riasoja tuocõri, coriarã Jesucristore tuorũnurã tuoĩa wisama ĩna. ¹⁹Ito bajiro ĩna riasobojarcoti Dios ocama ñeñabetoja iti. ĩ oca ito bajiro ñatĩnarã yiroja. ĩ oca ado bajiro gotia: “ĩ ñarãre ti masiami mani Uju”, yi gotia Dios oca. Gaje ado bajiro gotia iti: “No, ‘Jesucristore tuorũnurã ña gũ’, yirã, ĩna ñeñaro yirisere jidicãja quena”, yi gotia Dios oca.

²⁰Queno t̄ooya, goti masiore ocana m̄re gotigu ya ȳu. Wi jajo wiju somot̄orori jaje ñaro yiroja. Quenari t̄orori ñaro yiroja. Oro wame cut̄irisenā ito yic̄ōri plata wame cut̄irisenā ña menire ñaro yiroja iti somot̄orori. Somot̄orori gaje buto quenarise meje ñaro yiroja. Yuc̄na, ririna ña menire ñaroja gaje. Iti wi ɰ̄ju ñasari masa ña ejaja tic̄ōri, somot̄orori quenarisenā bare jeogu yigūiji ñare. Iti t̄orore wan̄uḡũ queno codeḡu yigūiji ī. Gaje somot̄ororeama quenasabitire co r̄um̄ r̄ayabeto bare jeo baḡu yigūiji. ²¹No ñasarise Diore moa īsi āmoḡũ ñaroc̄ōti ñeñaro ī yirise jidic̄āja quena. Ñeñarise jidic̄ac̄ōri Diore riti ī r̄uc̄b̄oja quena. No ito bajiro yiḡuti quenarise Diore moa īsiḡũ ña yuc̄ḡũ yigūiji.

²²Mam̄ ñabojaḡuti ḡajer̄ā mamar̄ā ña ñeñaro yi ɰ̄yarisere ti c̄ubesa m̄uāma. Quenarisej̄ua riti yisotiya m̄u. Diore riti t̄or̄ũn̄ ñasotiya. Ḡajer̄āre ti maic̄ōri queno ñe oca manoti, ñaña m̄u. Ña ñeñaro yirise jidic̄añaj̄ua Cristore riti t̄or̄ũn̄r̄ā r̄ācaj̄ua baba cut̄iya. ²³Ñeñaro t̄oĩa busir̄ā r̄āca baba cut̄ibesa. Ña t̄oĩa busirise roc̄ati gaye ñac̄ōri ñe waja ma. “Masa ña oca josaroca yama ña”, yi masiḡuja m̄u ñare. M̄re ña seniā josabojaroc̄ati ñare t̄or̄ũn̄besa. ²⁴No manī ɰ̄j̄ure moa īsi āmoḡuti oca josaḡu meje ī ñaja quena. Ado roboj̄ua ī bajija quena: Masa jeyarore queno yiḡu ñaja quena. Queno riasoḡu ñaja quena. Īre bajiro ña t̄oĩabitibojaroc̄ati ɰ̄sirioro ñare yi codebic̄u ī ñaja quena. ²⁵Dios oca ti tudir̄are quenoti ī goti quenoja quena. Ito bajiro ñare ī gotija ña ñeñaro yirise jidic̄aroca yiḡu yigūiji Dios gajea. Ito bajiri Dios oca ñasarise t̄or̄ā yir̄āji gajea. ²⁶Oca ñasarisere t̄or̄ũn̄c̄ōri quenarisere t̄oĩar̄ā yir̄āji ña. Ña ñeñaro yirisej̄uare jidic̄ac̄ōri r̄ũm̄uā ɰ̄j̄ure r̄etoc̄ūrā yir̄āji ña. R̄ũm̄uā ɰ̄j̄ure cudigoana ñabojar̄ati ĩre r̄etoc̄ūrā yir̄āji.



(2 Timoteo 2.20-21)

Adi macārucūro iti jedi wariju gaye

3 ¹“Adi macārucūro iti jedi wariju buto josari rumuri ñaro yiroja”, mu yi masire āmoa yu. ²Ado bajiro bajiro yiroja. Īna ya rujare maicōri ĩna ya gajeonire cuni tuo mairā ñarā yirāji adi sita gāna. Ito bajiroti ĩna ya niyerure cuni tuo mairā yirāji. “Gājerā rētoro ñasarā ña gua. Ñejua ruyabea guare”, yi tuoñarā yirāji masa. Gājerāre busiturā yirāji. ĩna jacusabatiare cudimena yirāji. ĩnare queno gājerā yibojarocati, “Queno ya mua”, yimenaji ĩna. Ñeñaro yirā ñari Dios ocare cuni rūcubūomena yirāji ĩna. ³Gājerāre ti maibiticōri ĩnare ñeñaro yirā yirāji ĩna. Gāmeri ti tudirā yirāji. Oca ruo gotiri masa ñarā yirāji ĩna. ĩna ñeñaro yi āmorise ñemecutimenaji. Gājerāre ñeñaro yi coderā yirāji. Queno yirāre ti tudirā yirāji. ⁴“Mu babaguti ñagū yigūja yu”, yi ruocōri, oca menirā yirāji ĩna. ĩna āmoro bajiroti ñeñaro yirā yirāji ĩna. “Gājerā rētoro ñasarāguti ña gua”, yirā yirāji ĩna. Dios ĩ āmorisejua yiro ōno yirā ĩna yi āmorisejua yirā yirāji ĩna. ⁵“Dios ocare rūcubūorā ña gua”, yirā yirāji ĩna. Ito bajibojarocati, “Dios sigūti ñami rētoro masigū”, yi rūcubūomenaji ĩna.

Ito bajiro yirā rāca baba cutibesa. ⁶Romia queno tuoñamenare, “Dios oca muare goti rētobuana gua”, yama ĩna coriarā. “Bujato baja ñeñaro yirā romia ña gua”, yibojarāti ñeñaro ĩna yirise jidicā masimena romiare āmarā yirāji ruori masa. Ito bajiro bajirā romiare ruorona āmarā yirāji ĩna. ⁷Dise ruyabeto gājerā ĩna riasobojarisere tuorūnū āmoama romia ĩnaōna. Ito bajiro yicōri Dios oca ñasarisere tuo masibeama ĩna. ⁸Jane mejeju Janes wame cutigu ito yicōri Jambres wame cutigu cuni Moisés ñayorure ti tudicōri ĩre cudi āmobisijarā ĩna. Ito bajiro bajirā ñama ruori masa. Dios oca riojo ñasarisere ti tudiana ĩna. Ñeñarise riti tuoñama ĩna. “Diore tuorūnūrā ña gua”, yibojarāti ĩre tuorūnūrā meje ñama ĩna. ⁹Ito bajiro ĩna bajijare, “Rocati ruore oca riasoama ĩna”, yi masirāji masa jeyaro. Jane mejeju Janes ito yicōri Jambres cuni ĩna ruore ti masiado bajiroti adi rumuri ruorāre cuni ti masirā yirāji masa.

Timoteore Pablo ĩ rotire gaye

¹⁰Īna robo bajigu meje ña Timoteo muāma. Masare yu riasorise gaye queno masia mu. “Ito bajiro ñasotigu ñami Pablo”, yure yi masia mu. “Jesucristore tuorūnugū ñari ĩ āmorise riti yi āmoami Pablo”, yi masigūja mu yure. “Masare usirioro yigu meje, ĩnare ti maigū ñami Pablo”, yure yigūja mu. “Tuoña bujatobitoboguti Dios oca masare riaso jidicābisī Pablo”, yure yi masigūja mu. ¹¹Cristo oca yu riasojare masa ĩna yure usirioro yi codeja ticu mu. Yu tuoña bujatobitija ticu mu. Antioquia, Iconio ito yicōri Litra wame cutiri cutuju cuni yure rētare ñarocōti masigūja mu. Iti cutoriju yu tuoña bujatobitiroca masa ĩna yure yire masigūja mu. Ito bajiro ĩna yibojarocati mani Uju yure codeñi ĩ. ¹²No Jesucristore tuorūnūrā queno yi āmorāre usirioro yi coderā yirāji gājerā. ¹³Ñeñaro yirā ito yicōri ruo jairā cuni buto busa ñeñaro yi warā yirāji. Ruore oca gotisotirā yirāji. Gājerā cuni ito bajiroti ruorā yirāji ĩna ruorā ñajare.

¹⁴Ĩna bajiro yibesa muáama. Dios oca mu riasotire tuorũnu jidicãbesa. “Yũre riasogoana oca riojo ñasarise riasocã ĩna”, yi masigũja mu. ¹⁵Dios oca tutire macuacã ñagũju riasotisuoŷija mu. Dios oca riasotigu ñari, “No Jesucristore tuorũnugũti, ĩre masogũ yiguĩji Dios”, yi masigũja mu. ¹⁶Dios oca tuti ucagoana ĩna tuoĩa rujeore meje ucayjarã ĩna. ĩna tuoĩariseju Dios ĩ gotire riti ucayjarã. ĩ oca tuti ña mani riasotiroti. Itire riasoticõri oca riojo ñasarise masia mani. Itire riasoticõri, “Ñeñaro yigu ña yũ cuni”, yi masia mani. “Yũ ñeñaro yirise jidicãcõri, queno ñagũ yiguja yũ”, yi masia mani. ĩ ocare riasoticõri Dios ĩ ãmorise quenarise moa masia mani. ¹⁷“Ado bajiro Diore mani moa ĩsija quena”, mani yi masire ãmoami Dios. Gãjerãre quenarise yirona mani ña yucãre ãmoami Dios. Ito bajiri ĩ ãmorise mani yi masitoni ĩ oca tuti manire cũni ĩ.

Timoteore Pablo rotisusare gaye

4 ¹Tũoya Timoteo mu. Yũ mũre rotirise tuoami Dios. Cristo masa jeyarore ti beserocu cuni yũ mũre rotirise tuoami. Jesucristo ĩ tũdi ejari mũmu catirãre, godanare cuni ti besegu yiguĩji. Ñeñaro yigoana tuoĩa bujatomena yirãji ĩna. Jesucristore tuorũnurãma ĩ rotiroju ĩ rãca ñatĩnarã yirãji mani. Itire masigũja mu. Ito bajiri ado bajiro mũre rotia yũ. ²Dios oca masare riaso ñasotiya. Masa ĩna tuo ãmoja, ĩna tuo ãmobeja cuni oca ñasarise riaso jidicãbesa. “Ñeñaro yirã ña gũa”, masa ĩna yi masitoni ĩnare riasoya. ĩna ñeñaro yirise jidicã ãmomenare goti quenoña. Dios oca masare riasocõri ĩna oca sãoroca yiya. Coji Dios ocare ĩna tuo masibitibojarocati ĩnare junisinibesa mu. Ũsiribicuti ĩnare Dios oca riasosotiya. ³Oca riojo ñasarisere ti tecõri itire masa ĩna tuo ãmõbiti mũmu ejaro yiroja co mũmu. ĩna ñeñaro yi ãmorise riti yirã yirãji ĩna. Ito bajiri ĩna tuo ãmorise riasorãre riti ãmarã yirãji ĩna. Oca riojo ñasarise riasorãjuare tuo ãmomenaji ĩna. ⁴Oca riojo ñasarisere jidicãrã yirãji ĩna. Masa ĩna tuo gotirisereama tuorũnurã yirãji ĩna. ⁵Muáama ĩna bajiro yibeja mu. Queno tuoĩarise jidicãbesa mu. Tuoĩa bujatõbitibõjaguti ñemecutiya mu. Cristo oca tuoĩamenare riaso ucuya mu. Mũ moaroti Dios ĩ cũre ñaro bajiroti yiya. ⁶Yũre ĩna sãaroti mũmu jabeto rũa. Jesucristo oca masare yũ riasojare yũre sãarã yirãji ĩna. Ito bajiri yoari mejeti Dios tu wacu yiguja yũ. ⁷“Ĩna ñeñaro yirise jidicãjaro”, yirocu Cristo oca masare riaso josacu yũ. Jeyaro moare yũre Dios ĩ cũre ito bajiroti jeoa yũ. Diore tuorũnu jidicãbiticu yũ. ⁸Ito bajiri ĩre yũ tuorũnu jidicãbitire waja yũre queno yigu yiguĩji Dios. Queno yigoana ĩna jesari bedo bujagu yiguja yũ cuni. Masare ĩ ti beseri mũmu yũre waja yigu yiguĩji ĩ. Masa ĩna yigoado bajiroti ĩnare ti besegu yiguĩji ĩ. Yũre riti meje waja yigu yiguĩji ĩ. No Jesucristore tuo maicõri ĩ tũdi ejari mũmu bocatirãre cuni queno waja yigu yiguĩji ĩ.

Timoteore Pablo ĩ ti ãmore gaye

⁹Tũoya Timoteo mu. Yoari mejeti yũre tigu waya. Sejabesa mu. ¹⁰Yũ rãca ñabõjagu yũre jidicãquĩ Demas wame cutigu. Dios gaye rãtoro adi sita gayejuare ãmoquĩ ĩ. Ito bajiri yũre jidicãcõri Tesalõnica wame cutiri cutõju waquĩ ĩ. Galacia

sita gãnare Dios oca riasogũ waquĩ Crescenteama. Ito yicõri Dalmacia sita gãnare riasogũ waquĩ Tito cuni. ¹¹Lucas sigũti ñami yũ rãca. Ito bajiri Marcosre ãmacõri ãre ãmi waya. Yũ moarise yũre ejabũa masiguĩji ã. ¹²Tĩquico wame cutigure Efeso cutoju cõacu yũ. ¹³Wadigu joe sãñado yũ yaro ãmi wadiba. Troas gagũ Carpo wame cutigu ya wijũ cũcu yũ. ãmi wadi ãsiña yũre. Papera tutiri cuni ãmi wadiba. Yũ ya papera tunare mũ ãmi wadisacõre ãmoa yũ.

¹⁴Alejandro come moari masũ jaje ñeñaro yiquĩ yũre. Yũre ã ñeñaro yiadocõti ãre waja senigũ yiguĩji mani Uju. ¹⁵Roya ãre, mũre cuni ñeñaro yigu yiguĩji gajea. Oca ñasarise mani riasorisere buto ti teami ã.

¹⁶Oca quenori masa tiro riojo, “Ñe seti ma yũre”, yũ yi ejasucati mũmũ sigũ yũre busi ejabũagu maniquĩ. Yũ rãca ñabojarã yũre jidicãcã. Ito bajiro yũre ãna ñeñaro yibojarocati, “Ñare waja senibitijaro Dios”, yi tuoia yũ. ¹⁷Yũ baba mesama ãna yũre jidicãbojarocati mani Ujuama yũre jidicãbisĩ. Yũ oca sãoroca yĩni. Ito bajiro yũre ã yijare judio masa meje ñarãre oca riojo ñasarise goti rãtobu jeocu yũ. Yũre ãna sia ãmobjarocati camotañi Dios. ¹⁸ũmacũju Dios ã rotiroju yũ ejare ãmoami ã. Ito bajiri ñeñarise yũ yibe yirocu yũre ejabũagu yiguĩji ã. Ito yicõri yũre masa ñeñaro yi ãmobjarocati yũre codegu yiguĩji ã. ãre ñucubũotĩñarũja manire, “Rãtoro masigũ ñami”, yirã. Ito bajiro riti ñatĩñajaro.

Quenajaro masa, Pablo ã yi ñucare gaye

¹⁹Quenajaro Aquila ã manajo Priscila cuni. Quenajaro Onesiforo ñarã cuni. ²⁰Mani yagu Erasto Corinto cutoju tujacoami. Mileto wame cutiri cutoju mani yagu Trõfimore cũcu yũ, ã cõja ticõri. ²¹“Juebũcu riojua busa ã tũ ejacũja”, yirocu ejori busa waya. Eubulo, Pudente, Lino ito yicõri Claudia cuni, “Quenajaro”, yi ñucama mũre. Ado gãna mani ñarã Jesucristore tuorũnũrã cuni, “Quenajaro”, yi ñucama.

²²Mũ rãca ñatĩñajaro Jesucristo. Mũ ya usiju oca sãoroca yijaro ã. Mũ rãca ñarã ñarocõreti queno yijaro Dios. Itocõ ña.